

忒故須先服定神湯然後心定神安驗之自無不中矣

定神湯方

天門冬 一兩去心 人參 一兩肥大滋潤者去茸

茯神 三兩去皮 石菖蒲 五錢要九節者去毛

甘草 五錢炙去皮 辰砂 五錢要磊粒光明者

麝香 一錢要真者同辰砂另研極細

右伴依法修制為細末將砂射和勻黃連燈心泡湯調服二錢如神氣自定無他事煩擾者不服

事君篇

事君以忠或上封事或面奏對少有差謬禍莫大焉必先午夜

道藏輯要 三羊全集 神光經

八 續畢集十三 川八十三

驗其神光若得紅光輝焰必主天顏有喜嘉納所言黃色而光圓大者必主賞勞或賜宴酒食進陞官爵之喜青者必主虛驚白者言無所納且有威罰之恐黑者大凶自宜警戒

臨敵討罪篇

凡臨敵討罪須驗神光色紅黃明且耀者必大勝縱彼千軍萬騎攻之我亦無虞如青黑色或神光不見急宜徙營別所如白色則不宜進兵必有破軍折將之患

野宿篇

凡遇夜野宿或所處有疑須澄心靜慮速驗神光若青色則有姦人至黑色賊兵來白色親近有謀紅黃色焰可高枕無虞矣

凡處危地而眼瞶者一瞶則一里之遠二三瞶得二三里之遠十瞶則十里前面必有姦人賊黨至吾事先知則奸賊可談笑而擒也

遠遊篇

凡遠遊止宿村落去處必須驗其神光若不見而心動目瞶急宜遠避不可入也若居山谷石崖枯木壞墻之下神光不在必有山崩石墜樹倒墻傾之患山林幽寂去處出入經過神光不見切不可妄動恐有虎狼蛇虺等害謹慎防之則無害也

風雨雷電篇

凡在外卒遇暴風驟雨速驗神光若不見者決有洪水泛漲地塌城崩之患不可於此久居須當更遷高阜乃可免也

道藏輯要

三丰全集 神光經

九

續集十三

過渡篇

凡渡江海或水惡波險去處預先一日驗其神光紅黃色者可渡青色者有大風白色者大雨黑色者或無則有船翻折舵沉溺之禍喪身殞命在須臾矣可不謹哉

飲食篇

凡飲食酒會或客居遇人邀請慮有所傷必須先驗神光若紅焰光明黃圓且大必有權忻之慶醉飽之樂且無所傷損若青白之色必主爭端或酒食不佳不能暢意光若黑者或被酒食所傷或爲骨鯁所害或誤食毒物患出百端矣